

მოსწავლეთა 71-ე სასწავლო-შემოქმედებითი

კონფერენცია

სექცია: ტურიზმი

თემა: ანტიკური წარსული და რესტავრირებული სილამაზე.

ქალაქი: ქუთაისი

ავტორები: გიორგი გაფრინდაშვილი, ალექსანდრე გელიაშვილი

**სკოლა: სსიპ გენერალ გიორგი კვინიტაძის სახელობის კადეტთა სამხედრო
ლიცეუმი.**

კლასი: XII

თემის ხელმძღვანელები: ელენე კოხრეიძე, ზინა ბუბუტეიშვილი

2016-2017 სასწავლო წელი.

გეგმა:

1.	შესავალი	გვ. 1-2
2.	ყინუვისი	გვ.2
3.	სარკინეთი	გვ.3
4.	მერეს ღელათა მონასტერი	გვ.3
5.	მპოვრეთის ციხე	გვ. 3-4
6.	უფლისციხე	გვ. 5-6
7.	ღასკვნა	გვ. 6-7

გამოყენებული ლიტერატურა:

- 1. პ. ზაქარაია- საქართველოს ძველი სიხესიმაგრეები. გვ. 96**
- 2. შუბითიძე, მაჭარაშვილი, ბოლქვაძე- ქართული ციხე-სიმაგრეები და ეკლესია-მონასტრები. გვ. 29**
- 3. ჟურნალი „კარიბჭე“ 2015წ.**
- 4. www.ambioni.ge**
- 5. patriarchate.ge**
- 6. . www.dzeglebi.ge**
- 7. www.about.ge**
- 8. novators.comoj.com**

საქართველო... რამდენჯერ შეგვისვამს ამ კურთხეული მიწის სადღეგრძელო და სასმელით გალავებული გული სიამაყის გრძნობას აუვსია, თუმცა, ჩემთვის, ამ გრძნობას თან ახლავს რაღაც უცნაური სევდისა და სინანულის შეგრძნება. ძნელად თუ მოიძებნება დედამიწის ზურგზე მსგავსი ერთი მუჭა მხარე, მომცველი ყოველგვარი მშვენიერებისა, მრავალფეროვნებისა და სილალისა. ერთი მუჭაა ჩვენი საქართველო, მაგრამ ძნელად თუ მოიძებნება(ან საერთოდ თუ მოიძებნება) ადამიანი, რომელსაც ყველა მხარე, ადგილი თუ რეგიონი არათუ შესწავლილი, არამედ ნანახი მაინც ექნება. განა ეს დასაზნაო არ არის?! სწორედ ამ სინანულის გრძნობამ შემაყვარა მოგზაურობა და საქართველოს მხარეების მონახულება

მრავალრეგიონი მინახავს. მინახავს კახეთის გაშლილი მდელოები, აჭარის მთებიდან დაემგებარვარ უსასრულო ზღვის ცქერით, დამინახავს ჭაღარა მყინვარწვერი, მილოცია თამარის ვარძიასა და ღავითის გელათში და ყველგან ჩემს გულს გამალებით ძგერა დაუწყია. გასულ ბაზუხულს გადავწყვიტე შიდა ქართლის მონახულება. ბრმა უნდა იყო ადამიანი, რომ ხეობის მშვენიერებამ არ წარგიგაცოს, უგრძნობი უნდა იყო, მისმა სიმშვიდემ რომ არ შეგძრას და უსისხლო უნდა იყო მისი ისტორიის მოსმენის შემდეგ სისხლი რომ არ გაგეყინოს.

შეუძლებელია პირველი ნახვით გამოწვეული გრძნობები, ჯეროვნად გადმოიგანო ფურცელზე. ძალიან მინდოდა ჩემი გრძნობები მეგობრებისთვის გაემზიარებინა, ამიტომ როგორც შევძელი ლიცეუმში დაბრუნებისთანავე დაწვრილებით მოვეუყევი მათ ამის შესახებ. დაინგერესება იმდენად მაღალი არმოჩნდა, რომ ყველა უყოყმანოდ დამთანხმდა თხოვნით მივსულიყავით ლიცეუმის ღირეცეასთან, რათა ჩვენი ექსკურსია დაფინანსებინათ. როგორც მოსალოდნელი იყო, ღირეცეა დაგვთანხმდა და ოქტომბრის ერთ-ერთ დილას, ჩვენს მასწავლებლებთან, სერჟანტთან და ლიცეუმის მოძღვართან ერთად გვმი ავიღეთ ძამასკენ.

მარშრუტი ასე გამოიყურებოდა: ყინწვისი, სარკინეთი, მერე, მძოვრეთი და უფლისციხე. გზა მეტად დამღლელი და შორი ჩანს, დრო კი ძალიან ცოტა, ამიტომაც ყველა თავისებურად ჩქარობს. მიუხედავად იმისა, რომ მგზავრობა ყოველთვის დამღლელია, არავის ეძინება, ყველას თვალებში ცნობისმოყვარეობის ნაპერწკალი უელავს. და აი, ორ საათნახევრიანი მგზავრობის შემდეგ მივუახლოვდით ხეობას და გვმი ყინწვისისკენ ავიღეთ.

სანამ უშუალოდ ყინწვისის შესახებ გიამბობთ, მანამ მინდა ცოტა რამ ხეობის შესახებ გიამბოთ. ძამას ხეობა საინგერესო გეოგრაფიულ და ბუნებრივ პირობებში მდებარეობს. ამ ხეობაში ძლიერი ქარი არ ქრის, ჩაკეტილი ხეობაა და მიუხედავად იმისა, რომ სიმაღლე ზღვის დონიდან ზოგიერთ ადგილას 2 000 მეტრამდეც აღწევს, ბუნებრივი პირობები იძლეოდა იმის საშუალებას, რომ ეს გერიტორია მჭიდროდ დასახლებული ყოფილიყო. ამაზე მეტყველებს მრავალრიცხოვანი ნასახლარი, თუ ნაეკლესიარი, რომლის საფუძველზეც ეს ხეობა აღორძინდა. ბოლო პერიოდში აქიმდენად მასშტაბური მშენებლობები მიმდინარეობს, შეგვიძლია ვთქვათ, რომ საქართველოს მრავალრიცხოვან ხეობებს შორის ეს ხეობა ყველაზე მეტადაა გამორჩეული ისტორიული ძეგლებით, აღდგენილი თუ ახლადაშენებული ეკლესიების ოდენობით. ტაძრების ნაწილი აღდგენილია ძველ ისტორიულ ადგილას.^[1]

ვახუშტი ბატონიშვილი ძამის ხეობას საციციანოს მიაკუთვნებდა. ციციანთ გვარის მამამთავრის - ბაზა ფანასკერტელის ფრესკა დაცულია ყინწვისში. იგი მშენებლის პომპაშია და ხელში უჭირავს ტაძრის გეგმა. პლატონ იოსელიანი მოგვითხრობს, რომ მდინარე ძამის პირას 113 წელს მეფე მირდაგმა ქალაქი ააშენა...X საუკუნეში აქ ყოფილა რეზიდენცია ძამის მთავრის - ადარნასესი, რომელსაც მონაწილეობა მიუღია საქართველოს სამთავროების გაერთიანებისთვის ბრძოლაში. ძამის ხეობა თამარ მეფის დროს მნიშვნელოვან როლს ასრულებდა სახელმწიფოს პოლიტიკურ-კულტურულ ცხოვრებაში. ძამის ხეობის

ახალ მფლობელს, ზაზა ფანასკერტელ-ციციშვილს რეზიდენციად აურჩევია ძველი ნაქალაქარი მძოვრეთი, სადაც იყო მრავალი ძველი ციხე. (მას ეკუთვნოდა „ზაზასეული ვეფხისცაოსნის“ ხელნაწერი.)^[2]

ეს ადგილი იმითაცაა გამორჩეული, რომ ხეობაში 42 მოქმედი მონასტერია. ძამას ხეობაში ტაძრები აგებულია სხვადასხვა ისტორიულ პერიოდში და მჭიდროდაა დაკავშირებული ერთმანეთთან. პირველი ეკლესიის მშენებლობა თარიღდება VI-VIII საუკუნეებით. აღმშენებლობა განსაკუთრებით XIII საუკუნეში გაძლიერებულა და სამონასტრო კომპლექსით დამშვენებულა.^[3] მათ შორის უდაოდ გამორჩეული, ჩვენი პირველი გაჩერება, ყინწისია. შუძლებელია პირველად მონასტრის ეზოში შესვლისას, რაღაც უჩვეულო მოწიწებისა და სიხარულის გრძნობა არ დაგეუფლოს. ეს გრძნობა, კი ენითაღუწერელია, როდესაც მონასტერს დაინახავ. თითქოს შეშდები, მოძრაობისა და სმენის უნარი მთლიანად გერთმევა და ერთადერთი რისი კეთებაც შეგიძლია უსიგყვოდ ცქერაა ამ საოცრების წელიწადის ნებისმიერ დროს აკვირვებს მნახველს მისი ბუნება, მაგრამ ვერაფერი შეედრება შემოდგომის ბუნებას, როცა ირგვლივ ყველაფერს ოქროსფერი სამოსი ჩაუცვამს და თავზე მონასტრისთვის შესაფერისი მყუდროება დაუბურავს.

მონასტერი XII-XIII საუკუნეებშია აგებული. სამონასტრო კომპლექსის მთავარი ნაგებობაა წმ. ნიკოლოზის სახელობის ეკლესია. გამორჩეულია მონასტრის მხატვრობა. საკურთხეველის მხატვრობა სამ რეგისტრად იყოფა. მის კედლებზე შეხედებით არაერთ წმინდანსა თუ ბიბლიურ სცენას, თუმცა მათი დიდი ნაწილი დაზიანებულია. აქ წარმოდგენილია ფერთა ფართო სპექტრი, სადაც ჭარბობს ღია მწვანე, ოქროსფერი, მოწითალო-მოყავისფრო და ლაქვარდოვანი ცისფერი. ფრესკების დიდი ნაწილი გადარეცხილია. საკურთხეველში მთავარ ფრესკას წარმოადგენს ღვთისმშობელი ყრმით და ორი მთავარანგელოზით.^[4] გარდა ამისა ჩვენი განსაკუთრებული ყურადღება მიიქცია მთავარანგელოზის, გიორგი III-ის, თამარ მეფისა და ლაშა-გიორგის ფრესკებმა. მთავარანგელოზის ფრესკა იუნესკოს სიაშიცაა შესული. ვუცქელი და ვერ წარმომედგინა, რომ ასეთი საოცრება 9 საუკუნის წინ შექმნილა. მამა დავითთან ერთად ამ დიდებულ ტაძარში საჯამრთელო პარაკლისი გადავიხადეთ, ზეთი ვიცხეთ და რამდენიმე რჩევაც მივიღეთ ჩვენი მოძღვრისაგან.

1. www.ambioni.ge > ეკლესია-მონასტრები 3. patriarchate.ge

2. ჟურნალი „კარიბჭე“ 2015წ. 4. www.dzeglebi.ge

ეზოში კიდევ ერთხელ გადავაფლეთ თვალი ამ საოცარ ბუნებას და სამახსოვრო ფოტოებიც გადავიღეთ. ამის შემდეგ ემოციებით დატვირთულებმა გავსწიეთ სარკინეთისაკენ.

სარკინეთის მამათა მონასტერი მეუფე იობის რეზიდენციაში მდებარეობს. ის შიო მღვიმელის სახელობისაა და თავისი ორიგინალურობით გამოირჩევა. მონასტერი მთლიანად კლდეშია გამოკვეთილი, რაც განსაკუთრებულ მშვენიერებას ანიჭებს. თავად სახელი მან კლდის ქანების სიმტკიცის გამო მიიღო. კლდის გამოჭრა იმდენად რთული აღმოჩნდა, რომ ვიღაცას რკინისთვის შედარებია, ამიგომაც „სარკინეთი“ დაურქმევიათ.^[5] გამოვიყენეთ შანსი და ყველამ ჩვენი სურვილის ასრულება მამა შიოს შევთხოვეთ. არც სამახსოვრო ფოტოების გადაღების სიამოვნება მოგვიკლია, ასეთ ადგილს ხომ ხშირად ვერ შეხვდები სხვა ადგილას. კიდევ უფრო ალტკინებულებმა გვები ამჯერად მერეს დელათა მონასტრისაკენ ავიღეთ.

მერეს დელათა მონასტერი არც თუ ისე დიდ ისტორია ითვლის. ის ერთ-ერთია ხეობაში მოქმედი 42 მონასტრიდან. საკმაოდ სადაა, თუმცა როგორც კი მიუახლოვდები მის კარებს მაშინვე იგრძნობ აქ გაშვებულ სიმშვიდესა და მადლს. მოვილოცეთ ეკლესია და გავესაუბრეთ რამდენიმე დელაოსაც. ჩვენდა

გასახარად აქ საკმაოდ მრავლად იყვნენ მონაზვნები და რაც მთავარია მათი დიდი ნაწილი საკმაოდ ახალგაზრდანიც. დანამდვილებით შემიძლია გითხრათ, რომ არაფერია იმაზე ლამაზი, როგორც დაჩოქილი და მხურვალედ მლოცველი მანდილოსანი, რომლის სანთლის შუქით განათებულ სახეზეც უდიდესი მაღლი და ღვთის სიყვარული გამოსჭვივის.

წამოსვლამდე დედაოებმა დედობრივი სიყვარულით დაგვლოცეს და ჩვენც მძოვრეთში წავედით.

მძოვრეთის ციხეს მეგად საინგერესო და ვრცელი ისტორია გააჩნია. მდებარეობდა სტრატეგიულად მოხერხებულ ადგილზე – იგი იცავდა შიდა ქართლიდან სამხრეთ საქართველოსკენ მიმავალ მნიშვნელოვან გზას. ისტორიულ წყაროებში ციხეს პირველად `მაგიანე ქართლისაის~ ავგორი იხსენიებს ღემეტრე აფხაზთა მეფისა (967-975 წწ.) და მისი ძმის თეოდოსს შორის წარმოებულ ბრძოლებთან დაკავშირებით. თეოდოსმა დახმარება სთხოვა ძამის ხეობის გამგებელს ადარნასეს. ძამის მთავარმა თავის რეზიდენციაში – ძამის ციხეში შეიფარა თეოდოსი. „მაშინ ღემეტრე მეფემან მიგზავნა ლაშქარი თვისი, მოადგეს ციხესა ძამისასა და ჰბრძოდენ სამ თუე ოდენ” ბოლოს ადარნასე ძამელი და თეოდოსი იძულებულები გახდნენ დანებებოდნენ ღემეტრეს.^[2] ციხე-დარბაზს ფერდობის ძირას გრძელი მონაკვეთი (75 X 180 მ) ეკავა და შემოვლებული ჰქონდა გალავანი. ნაგებობები შევაკებაზე იყო განლაგებული. შემორჩენილია გალავნის ჩრდილოეთის ნაწილი მთელ სიგრძეზე და ნაწილობრივ აღმოსავლეთის და დასავლეთის მხარეები. გალავანს ჭიშკარი დასავლეთით ჰქონია, ხოლო მეორე კარი ჩრდილოეთით (ეკლესიასთან).

1. www.ambioni.ge

2. www.about.ge

ციხე-დარბაზის აგება უშუალოდ დაკავშირებულია XVII საუკუნის დასაწყისში. ციციშვილთა საფეოდალოს ცენტრის სამწევრისიდან მძოვრეთში (ზოვრეთი) გადმოგანასთან.

სასახლე გრძელ სწორკუთხედს წარმოადგენს, რომლის შიგნით დარბაზები და სხვადასხვა ზომის ოთახებია განლაგებული. სასახლე ერთსართულიანი უნდა ყოფილიყო, კარგად შელესილი კედლები გვაფიქრებინებს, რომ შესაძლოა, კედლები მოხატული ყოფილიყო.

ანსაბლზე გაბატონებული ყოფილა შვიდსართულიანი კოშკი, რომელიც გათვალისწინებული იქნებოდა როგორც საცხოვრებლად, ისე თავდაცვისთვის.^[1]

ანსაბლში შემავალი ე.წ. ფეოდალის კარის ეკლესია, საშუალო ზომის ერთნაფიანი ნაგებობაა და გიჟურია გვიანი საუკუნეებისთვის. დასავლეთით მასზე მიდგმულია სამრეკლო, პირველი სართული სამი მხრივ ღიაა თაღებით და თავისთავად კარიბჭის როლს ასრულებდა. მეორე სართული დარაჯის საცხოვრებელს წარმოადგენდა, ხოლო მესამე-ღია ფანჯარა-სამრეკლო.^[2]

მერედან მძოვრეთამდე საკმაოდ რთული და დამღლევი გზის გავლა ფეხით მოგვიწია, თუმცა მოლოდინის და ცნობისმოყვარეობის გრძნობა დაქანცულობის გრძნობას ჯობნიდა. თითქოს ახალი და ახალი ენერგია გვეძლეოდა. რაც უფრო ვუახლოვდებოდი ციხეს მით უფრო მაკვირვებდა მისი მშვენიერება, სიდიადე და

მედიდურობა. ერთ მომენტში როდესაც გაეჩერდი ვერც კი დავიჯერე, რომ ასეთი საოცრების აგება რამდენიმე საუკუნის წინ შეძლეს, თანაც ისე, რომ დღესაც იწვევს ჩემს გაკვირვებას.

რამდენიმე წუთში მთელი გზა გავიარეთ და შევდგით ფეხი გაღავანში. გაღავანი მეტად მჭიდროდ არის ნაგები. ამაზე მოწმობს როსტომ ციციშვილისა და როსტომ მეფის ბრძოლა XVII 30-იან წლებში, როდესაც მეფის ცდის მიუხედავად მარბაზნებმა ციხეს ვერაფერი დააკლეს.^[3] ჩვენი უდიდესი გაკვირვება გამოიწვია იმან, რომ ციხე თურმე თითქმის მთლიანად დამარხული ყოფილა და ახლაც არაა დამთავრებული მისი სრული გაწმენდა. მამაოსთან ერთად მოვინახულეთ ციხის ეკლესია და სხვა ნაგებობები, მაგრამ ჩემთვის უდიდესი შთაბეჭდილება, რომელიც არასდროს დამავიწყდება იყო კოშკიდან ბუნებით ტკობა. თითქოს მთელმა საქართველომ ერთ ადგილას მოიყარა თავი და ჩემს თვალწინ გადაიშალა, თავი ამ მშვენიერების ნაწილად ვიგრძენი და ყველა გრძნობა სიყვარულის და სიამაყემ დაფარა. ვიდექით ამდენი ქართულ სამხედრო ფორმაში გამოწყობილი ბიჭი იმ ადგილას, სადაც საუკუნეების წინ აბჯარასხმული ქართველი რაინდები მედგრად იგერიებდნენ მტერს. ყველანი სულგანაბლნი ვუსმენდით იქ მყოფი ბერების მიერ მონათხრობ ციხის ისტორიას. ერთერთმა მათგანმა სიხარულით აღნიშნა, რომ ამდენი წლის შემდეგ კარიბჭეში კვლავ შემოაბიჯეს ფორმით დამშვენებულმა ყმაწვილებმა და ღვთის შეწევნით აღესრულა პარაკლისი.

1. პ. გაქარაია – საქართველოს ძველი სიხესიმაგრეები. გვ. 96

2. www.about.ge 3. შუბითიძე – ქართული ციხე-სიმაგრეები და ეკლესია – მონასტრები.

გახალისებულებმა და ემოციებით დაგვირთულებმა, სინანულით და გულისწყვევით დავგოვეთ ქართული ხუროთმოძღვრების ეს შესანიშნავი ნიმუში და ამჯერად გვბი უფლისციხისკენ ავიღეთ.

საქართველოში სამი უდიდესი კლდეში ნაკვეთი კომპლექსი არსებობს: უფლისციხე, დავით გარეჯი და ვარძია. ამათგან უძველესი უფლისციხეა. უფლისციხე საქართველოში ანტიკური ხანის ერთადერთი ძეგლია, რომელიც ამჟამად მიწის ზემოთაა შემორჩენილი. იგი წარმოადგენს ანტიკურ ქალაქს, რომელიც კლდეშია ნაკვეთი და აქვს ქუჩები, მოედნები, წყალსაწრეგი არხები, სხვადასხვა ნაგებობები, ოთხი კარიბჭე, მტკვარზე ჩამავალი საიღუმლო გვირაბი, გაღავანი და სხვა... არსებობს ლეგენდა, რომ უფლისციხე მცხეთოსის შვილს უფლოსს მონების მიერ აუგია. მონას აძლევდნენ წერაქს, რომლის პირიც უბრალო ლითონის იყო დაფარული, ხოლო შემდეგ ძვირფასი ლითონი მოდიოდა. მონას ისე უნდა ემუშავა, რომ გაეცვითა უბრალო ლითონი, მერე საჩუქრად თავისუფლებას და ძვირფას ლითონს იღებდა.¹ არქეოლოგიური მასალები ამტკიცებს, რომ აქ მოსახლეობა ძვ. წ. XVI-XV სს.-ში უკვე ცხოვრობდა, ხოლო ძვ. წ. X-VI სს.-ში უკვე საგაძრო ქალაქია, ახ. წ. I-III სს.-ში კი უკვე მნიშვნელოვანი სამხედრო-სტრატეგიული და ამავედროულად მნიშვნელოვანი წარმართული საკულგო ადგილია. უა საუკუნეებში უფლისციხე აყვავებული ციხე-ქალაქია, მისი მოსახლეობა 20 000 კაცს აღწევს. მონღოლთა შემოსევების დროს (XIII ს.) ძლიერ დაზიანდა, ამის შემდეგ უფლისციხე, როგორც დიდი და ძლიერი ქალაქი აღარ არსებობდა. ნაქალაქარში შემორჩენილი ანტიკური ხანის კლდეში ნაკვეთი დარბაზები და ნაგებობები გამოირჩევა გვემარებისა და არქიტექტული ფორმების გეომეტრიული სიმკაცრით.² ანტიკური თეატრონი (კესონებიანი დარბაზი) მდებარეობს ნაქალაქარის სამხრეთ-დასავლეთ კიდეზე. თარიღდება ახ. წ. II საუკუნით. მისი ჭერი დახვეწილი ორნამენტებითაა მორთული, შუაში არის სცენა, უკან იყო მაყურებელთა დასაჯდომი ადგილი, რომელიც 1920 წლის მიწისძვრამ დაანგრია. უფლისწულის ეკლესია, რომელიც ციხე-ქალაქის ჩრდილოეთ ნაწილში დგას, X ს.-ის II ნახევარშია აგებული, სახელი უნდა

ვივარაუდოთ, რომ მოდის თვით ქალაქის სახელიდანაც და ასევე უფლის სახელიდანაც. აღსანიშნავია ის ფაქტი, რომ ეკლესია ყოველგვარი საძირკვლის გარეშე თავად კლდებზე აგებული³

და 1920 წლის მიწისძვრას გაუძლო. ამბობენ, რომ მშენებლობაში კვერცხის გულსაც იყენებდნენ, რაც კედლებს სიმტკიცეს აძლევდა.^[4]

როგორც ვხედავთ უფლისციხეს საკმაოდ მდიდარი წარსული გააჩნია. მისი სიღიაღე ერთი დანახვითაც შესამჩნევია. დავდიოდით იმ მიწაზე სადაც უამრავ სისხლს უღენია, ფეხს ვადგამდით იმ ადგილს, სადაც ქართველ მეფეთ დაუდგამთ და ვლოცულობდით იმ ტაძარში, სადაც ქართველ წმინდანებს ულოციათ.

1. www.ambioni.ge 3. novators.comoj.com

2. www.dzeglebi.ge 4. novators.comoj.com

თითოეული ჩვენგანი სიამაყის გრძნობით ვუსმენდით გილის მონათხრობს უფლისციხის ისტორიისა და გმირთა შესახებ. განსაკუთრებით დამაინტერესებელი იყო ის მონაკვეთები, სადაც საუბარი უფლისციხის თავს დაგეხილ ბრძოლებს შეეხებოდა და ამ დროს მხოლოდ ერთი ლექცი მაგონდებოდა:

უფლისციხესთან
სისხლისფერი ყაჩაღის წვეთი
არადაღვრილის -
დასაღვრელის, ალბათ, მაცნეა...
არავითარი
სხვასამშობლომამემეტი
არგამაჩნია!

ჩვენ განსაკუთრებით გაგვახარა იმ ფაქტმა, რომ აქ უამრავი დამთვალეირებული იყო. მათ შორის აბსოლუტური უმეტესობა უცხოელი ტურისტები იყვნენ. გავიცანით არერთი თურქი, სომეხი, უკრაინელი, გერმანელი თუ ამერიკელი. ისინი იღებდნენ სურათებს, ყილულობდნენ სამახსოვრო სუვენირებს და ეცნობოდნენ, როგორც უფლისციხის, ისე სრულიად საქართველოს ისტორიას.

სამწუხაროდ დღეც მიიწურა და დამთავრდა ეს შესამიშნავი, დამამახსოვრებელი და დაუვიწყარი ექსკურსია ამ დალოცვილ და უღამაზეს მხარეში. ყველას უზომოდ დაგვწყდა გული. ვინ იცის კიდევ რამდენი რამის ნახვა, გაგება და გაცნობა ვერ მოვასწარი. სანახავი კი მართლაც ბევრია ამ ერთ მუჭა მხარეში. მაგალითად ოშკი, შაგბერდი, ბაგეთის ტბა, ორთუბნანი, ქოზიფა თუ სხვა რელიგიურ-ისტორიული ძეგლი. ამ ყველაფრის მონახულება ერთ დღეში შეუძლებელია, თუმცა ერთი დღის კვალობაზე საკმაოდ ბევრი შევძელით.

დასაწყისში, როდესაც ამ პროექტს ვგეგმავდით და გავიგეთ იმ ღირსშესანიშნაობების შესახებ, რომლებიც ამ ხეობაში უნდა გვენახა და რომლის ნახვასაც სამწუხაროდ ვერ მოვახერხებდით, ჩვენი გაოცება გამოიწვია იმ ფაქტმა, რომ არაერთ მონასტერს (ტბეთი, ბანა, ოპიზა, შაგბერდი) ტაო-კლარჯეთში არსებული მონასტრების სახელები ჰქვია. ეს უცნაურად გვეჩვენა, თუმცა პირადად ჩემთვის ექსკურსიის დასრულების შემდეგ ყველაფერი ნათელი გახდა. დღევანდელი ძამას ხეობა, ხომ ზუსტად იმავე როლს თამაშობს, როგორსაც თამაშობდა IX-X საუკუნეებში ტაოკ-ლარჯეთი. ძამას თამამად შეგვიძლია ვუწოდოთ ქართული ქრისტიანობის გული და კერა, კერა, რომელიც ჯერ კიდევ ახლა ღვივდება და ალბათ, სულ მალე მგზნებარე კოცონად გადაიქცევა.

სიმბოლურია ისიც, რომ ქვეყნის რელიგიური გული და ფუნდამენტი, სწორედ საქართველოს დასაყრდენ მხარეში (როგორც მოიხსენიებს მ. ჯაფახიშვილი ქართლს) მდებარეობს.

მინდა ავლიშნო ის ფაქტიც, რომ სადაც კი მივედით, იყო ეს ყინვისი, მერე, სარკინეთი თუ მძოვრეთი, ყველგან მიმდინარეობდა აქტიური სამუშაოები. კერძოდ, კი იგებოდა მონასტრებამდე მისასვლელი გზები, მიმდინარეობდა ეზოების კეთილმოწყობა და შენობების რეკონსტრუქცია, რაც, ჩემი აზრით, დიდი რაოდენობით მოიზიდავს დამთვალიერებელს, როგორც საქართველოდან, ასევე მის საზღვრებს გარედან. ეს პროექტი, კი იმედი მაქვს ხელს შეუწყობს ამ მხარეს პოპულარიზაციას.

ამ დამლული, თუმცა საინტერესო დღის შემდეგ, როდესაც კვლავ ღიჯებში ვბრუნდებოდი ვფიქრობდი, თუ რაოდენ მრავალფეროვანი და საინტერესოა ეს ჩვენი პატარა საქართველო, რამდენი რამეა ჯერ კიდევ აღმოსაჩენი და შესაცნობი. საჭიროა დიდი მასშტაბით სამუშაოების ჩატარება თითოეული მხარის პოპულარიზაციის მიზნით, ვფიქრობ, სირცხვილია ასეთი ქვეყნის პაგრონებს ოცნებად სხვა ქვეყნების მონახულება რომ გვაქვს ქცეული, სხვაგან ვეძებთ სამოთხის მაგვარ ხედებსა და გარემოს, როცა ღვთისმშობლის წილხვედრი ელემის ბაღი აქვე გვაქვს.

დასასრულს მინდა დავამატო თემის ერთ-ერთი ავტორის ლექსიდან ნაწყვეტი

„უბრალოდ ერთი ქართველი

და ქრისტიანი ბიჭი ვარ!

ფორმა ჩავიცვი მეომრის

ქვეყნის დამცველად მივდივარ...”

